

**51. fundur Velferðar- og mannréttindaráðs, haldinn í fundarherbergi 3. hæð,
Stillholti 16-18,
7. desember 2016 og hófst hann kl. 16:00**

Fundinn sátu:

Vilborg Þ. Guðbjartsdóttir formaður, Einar Brandsson varaformaður, Anna Þóra Þorgilsdóttir aðalmaður, Gunnhildur Björnsdóttir áheyrnarfulltrúi, Svala Kristín Hreinsdóttir sviðsstjóri velferðar- og mannréttindasviðs, Sveinborg Kristjánsdóttir félagsmálastjóri og Laufey Jónsdóttir verkefnisstjóri heimaþjónustu.

Fundargerð ritaði: Svala Hreinsdóttir, sviðsstjóri velferðar- og mannréttindasviðs.

Fyrir tekið:

1. 1612020 - Samráðshópur eldri borgara Akraneskaupstaðar

Unnið er að undirbúningi við stofnun samráðshóps eldri borgara á Akranesi.

Jóhannes Finnur Halldórsson formaður FEBAN mætti til fundar kl. 16:00.

Jóhannes Finnur kynnti hugmynd að stofnun samráðshóps 3ju kynslóðar á Akranesi.

2. 1611101 - Húsfélagþjónustan, drög að nýju samkomulagi 2016-2017

Í lok nóvember rann út samningur við Húsfélagþjónustuna. Þetta er samningur nr.3 en fyrri samningur var gerður frá september til desember 2014 en var síðan framlengdur til janúarloka 2015.

Gagnkvæm ánægja er með samninginn og efndir hans að beggja hálfu. Nú liggur fyrir tillaga að endurnýjun á samning.

Laufey kynnti tilboð um áframhaldandi samning við Húsfélagþjónustuna.

Velferðar- og mannréttindaráð felur sviðsstjóra að koma á framfæri gagntilboði.

3. 1602187 - Reglur um félagslega heimaþjónustu - endurskoðun

Á fundi Velferðar og mannréttindaráðs þann 7. september 2016 voru drög að breytingum á reglum um félagslega heimaþjónustu á vegum Akraneskaupstaðar lagðar fram. Ábendingar komu fram um nokkrar greinar. Búið er að fjalla um ábendingarnar á teymisfundi í félagslegri heimaþjónustu og endurskoðuð drög því tilbúin til umfjöllunar á ný.

Laufey kynnti drög að breytingum á reglum um félagslega heimaþjónustu á vegum Akraneskaupstaðar. Velferðar- og mannréttindaráð samþykkir tillögur að breytingum á reglum um félagslega heimaþjónustu á vegum Akraneskaupstaðar og vísar þeim til afgreiðslu í bæjarstjórn.

4. 1612018 - Ferðaþjónusta fyrir fatlaða og aldraða 2016.

Fjölgun hefur orðið á umsóknum í ferðaþjónustu fatlaðra og aldraðra á Akranesi. Laufey vék af fundi kl. 17:30.

Lagðar fram upplýsingar um stöðu mála í ferðaþjónustu fatlaðra og aldraðra.



5. 1609192 - Starfsáætlun velferðar- og mannréttindasviðs 2017

Drög að starfsáætlun velferðar- og mannréttindasviðs 2017 liggja fyrir.

Drög að starfsáætlun lögð fram til kynningar.

6. 1608135 - Rekstur sumar- og leikjanámskeiða fyrir 6-10 ára börn á Akranesi (2016).

Skóla- og frístundaráð lagði til á fundi sínum 6. desember 2016 að Þorpið frístundamiðstöð sjái um framkvæmd sumar- og leikjanámskeiða fyrir 6 - 10 ára börn á Akranesi sumarið 2017. Skóla- og frístundaráð beinir jafnframt þeim tilmælum til verkefnastjóra æskulýðs- og forvarnamála og sviðsstjóra Velferðarsviðs að vera í samstarfi vegna barna og ungmenna, en Velferðarsvið hefur veitt stuðning í frístundastarfi fatlaðra barna og ungmenna með liðveislu.

Lagt fram til kynningar.

7. 1608169 - Trúnaðarmál.

Trúnaðarmál.

Afgreiðsla trúnaðarmál.

8. 1511213 - Trúnaðarmál.

Trúnaðarmál

Afgreiðsla trúnaðarmál.

Fleira ekki gert, fundi slitið kl. 18:45.

*Vilborg P. Guðmátsdóttir
Hanna Þóra Þorgilsdóttir
Guðmundur
Lindr Brándaðsson
Sveinbjörg Kristín
Jóhanna Hlansdóttir*